

Qendra e Personel Rekrutimit, ka filluar regjistrimin e kandidatëve për të ndjekur kursin “Initial Officer Training”, i cili do të zhvillohet në Cranwell të Britanisë së Madhe, në periudhën **02 janar 2017-21 korrik 2017**, për **2 (dy)** të drejta studimi.

Afati kohor për dorëzimin e dokumentacionit pranë QPR-së është deri në **26 tetor 2016**.

### **1. Kriteret e pranimit të kandidatëve:**

- Të ketë shtetësi shqiptare.
- Të jetë në moshë jo më shumë se 29 vjeç, në ditën e fillimit të vitit akademik.
- Të jenë ushtarak/civil të cilët kanë përfunduar studimet bachelor në degët **inxhinieri elektronike dhe inxhinieri mekanike**.
- Të mos jetë i dënuar apo i ndjekur penalisht nga organet e drejtësisë brenda dhe jashtë vendit.
- Të jenë në zotërim të diplomës së arsimit të lartë, (minimumi beachelor) brenda ose jashtë vendit, të njohur dhe ekuivalentuar nga Ministria e Arsimit dhe Sporteve të Republikës së Shqipërisë
- Të ketë notën mesatare të lëndëve të të gjitha viteve të arsimit të lartë, jo më pak se 7 ( shtatë).
- Të jetë vlerësuar i aftë për të shërbyer në FA gjatë ekzaminimit mjekësor.
- Të ketë gjatësinë trupore jo më pak se 165 cm për meshkujt dhe jo më pak se 160 cm për femrat.
- Të mos jetë i larguar nga puna në administratën qendrore ose lokale (nëse ka qenë i punësuar para aplikimit), për shkelje të dispozitave të kodit të punës ose legjislacionit në fuqi. Kjo kërkesë aplikohet për kandidatët që nuk janë pjesë e FA.
- Të ketë një trup me fizik të rregullt, të shëndetshëm nga të gjitha pikëpamjet, pa asnjë mangësi apo shenja që deformojnë pamjen.
- Të mos jetë bartës i virusit HIV, Hepatit B dhe SST (Sëmundje Seksualisht të Transmetueshme) të tjera; të mos ketë kaluar apo të vuajë ndërkohë nga sëmundje të tjera të zemrës, veshkave, hepatite, pulmonare, neuropsikiatrike, sistemit lokomotor (sistemit kockor dhe lëvizjes) apo të ketë qenë ose jetë përdorues i lëndëve narkotike.
- Ky burim është i hapur edhe për ushtarakët e Forcave të Armatosura, të cilët kanë kryer arsimin e lartë dhe plotësojnë kriteret e kërkuara.
- Kandidatët duhet të zotërojnë gjuhën angleze në të lexuar, të shkruar dhe të folur dhe të sigurojnë mbi 70 pikë në testimin ALCPT. Ata duhet të kenë njohuri të gjuhës angleze në nivelin **IELTS minimumi 5.5 pikë**.
- Kandidatët nuk mund të regjistrohen për ndjekjen e studimeve në institucionet arsimore ushtarake jashtë vendit, në rast se:
  - a) Zotërojnë diplomë ushtarake për nivelin arsimor për të cilin aplikojnë;
  - b) Kanë fituar më parë statusin e studentit ushtarak;
  - c) Kanë qenë kontingjent i Forcave të Armatosura për ndjekjen e studimeve ushtarake brenda dhe jashtë vendit dhe nuk i kanë përfunduar studimet.
- Kandidati që nuk plotëson qoftë edhe një nga kriteret e përmendura më sipër, skualifikohet.

## 2. Dokumentet për regjistrim:

Kandidatët për regjistrim duhet të paraqesin pranë Zyrës së Rekrutimit dhe Pranimit Tiranë dokumentacionin e mëposhtëm:

- Kërkesë me shkrim e nënshkruar nga kandidati për ndjekjen e studimeve ushtarake në kursin “Initial Officer Training”, i cili do të zhvillohet në Cranwell të Britanisë së Madhe.
- Formular me të dhënat personale sipas formatit të përcaktuar, **ANEX A**.
- Fotokopje e noterizuar e dokumentit zyrtar (diplomës) që vërteton përfundimin e arsimit përkatës së bashku me listën e notave.
- Fotokopje e kartës së identitetit.
- Certifikatë familjare 1 (një) copë.
- Fotografi për dokument (4x6), 2 (dy) copë.
- Fotokopje të pasaportës e vlefshme për jashtë shtetit.
- Dëshmi penaliteti.
- Vërtetim nga gjykata që nuk është në proces gjyqësor.
- Vërtetim nga prokuroria që nuk është në proces hetimi.
- Vërtetim nga përmbarimi.
- Certifikatë për IELTS.

Dokumentet mjekësore.

1. Raportin mjekësor të lëshuar nga Komisioni mjeko – ligjor (KML) i qendrës shëndetësore të vendbanimit të kandidatit të shoqëruar.
2. Një raport ose vërtetim nga mjeku i familjes ku deklarohej se kandidati është i shëndetshëm dhe nuk ka sëmundje infektive.
3. Ekzaminimet për agjentët infektivë (Hepatit B, Hepatit C, HIV/AIDS), dhe grupin e gjakut të lëshuar nga Qendra Kombëtare e Transfuzionit të Gjakut ose bangat e gjakut apo drejtoritë e Shëndetit Publik në rrethet ku banojnë .

Në momentin e aplikimit pranë zyrës së pranimit në Qendrën e Personel Rekrutimit kandidatët duhet të plotësojnë një formular vetë deklarimi për gjendjen shëndetësore të kandidatit.

## 3. Datat e testimit:

<b>Testi Fizik:</b>	<b>27.10.2016</b>
<b>Testi Intelektual:</b>	<b>28.10.2016</b>
<b>Testi i Gjuhës së Huaj:</b>	<b>27.10.2016</b>
<b>Testi Psikologjik:</b>	<b>28.10.2016</b>

## 4. Të dhënat tabelore të Testimit të Aftësive Fizike:

**Për meshkujt:**

- Të vrapojë 2.4 km për 11 minuta e 11 sekonda
- Ulje-ngritje mbi duar 20
- Palosje-shpalosje 35

**Për femrat:**

- Të vrapojë 2.4 km për 13 minuta e 23 sekonda
- Ulje-ngritje mbi duar 10
- Palosje-shpalosje 32